

- Harton dhe zbaton politika, strategji, plane, programe dhe projekte, që synojnë menaxhimin e integruar të burimeve ujore, ruajtjen sasiorë dhe cilësore, si dhe konsolidimin e mëtejshëm të tyre;
- Zbaton dispozitat e marrëveshjeve dhe konventave ndërkombëtare për burimet ujore dhe ato ndërkufitare, palë e të cilave është Republika e Shqipërisë;
- Ushtron funksionet e Sekretariatit Teknik të Këshillit Kombëtar të Ujit;
- Propozon Këshillit Kombëtar të Ujit dhënien me koncesion të burimeve ujore;
- Propozon Këshillit Kombëtar të Ujit dhënien e lejeve dhe autorizimeve për përdorimin e ujit dhe shkarkimeve, kur veprimtaria kryhet jashtë kufirit të një baseni të vetëm;
- Harton inventarin kombëtar të burimeve ujore, si në aspektin sasior, ashtu edhe në atë cilësor;
- Harton dhe ndjek zbatimin e planeve të menaxhimit të baseneve ujore;
- Harton dhe ndjek zbatimin e planeve të menaxhimit për ujërat ndërkufitare;
- Është përgjegjëse për veprimtarinë ekonomike të burimeve ujore;
- Kërkon nga organet dhe institucionet shtetërore, agjencitë dhe entet publike informacion, të dhëna teknike, analiza apo mbështetje tekniko-konsultative që shërbejnë për nevojat e administrimit dhe të menaxhimit të burimeve ujore;
- Nxit pjesëmarrjen e përdoruesve të ujit në drejtimin dhe administrimin e burimeve ujore;
- Nxit studime e kërkime për zhvillimin e të rejave teknike që lidhen me përdorimin, zbulimin, shfrytëzimin, ruajtjen, trajtimin, mbrojtjen, administrimin dhe përdorimin efikas të burimeve ujore;
- Në bashkëpunim me institucionet kërkimore-shkencore, përcakton fushat e kërkimit dhe të studimit për burimet ujore, si dhe fondet përkatëse për to;
- Bashkërendon dhe kontrollon punën e organeve vendore të menaxhimit të burimeve ujore;
- Kundërshton në gjykatë vendimet e Këshillit të Basenit Ujor.